

SCRIPT OF MORNING GOJRI NEWS BULLETIN 20 JAN 2025 HRS 1015HRS

مارننگ گوجری نیوز بولٹن 20 جنوری 2025

JK CABINET MEET

سال ۲ ہزار ۵۲ کی وزیرا کونسل کی پہلی میٹنگ آج سول سیکریٹ جموں مانہ منعقد وے گی وزیر اعلیٰ عمر عبداللہ اس کابینہ میٹنگ کی صدارت کریں گا اس میٹنگ کے دوران مالیات صحت تے تعلیم کا شعباں بارے اہم معلہ ور غور کیو جے گو جس گو مقصد عوامی بہبود تے طرز حکمرانی ور توجہ دینو ہے اس دوران سرکاری ملازماں تے پنشن حاصل کرن آلا واسطے ڈیرنس یعنی مہنگائی الونس ور نظر ثانی داندان گا یعنی ڈینٹل کالج مانہ ۳ سطحی اُستازہ تنظیمی ٹانچہ کانفاز تے دریائے جہلم تے بینگنگا کی حفاظت جیسا ماحولیاتی منصوباں شامل ور گل بات کی جے گی اس تیں علاوہ جموں کشمیر جی ایس ٹی قانون مانہ ترمیم محصولاتی یعنی ایکسائیز پالیسی ۲ ہزار ۵۲ تے پرتھی گا عمل نانہ بہتر بنان بارے وی گل بات کی جے گی۔

DEATH TOLL RAJOURI

ضلع راجوری گا بڈھال گراں مانہ پراسرار بیماری تون فوت ہون آلا کی تعداد ۷۱ تک پُچی ہے پچھلے روز محمد اسلم کی ۵۱ سالہ یا سمین اس پر اسرار بیماری کی وجہ تون ایس ایم جی ایس ہسپتال جموں مانہ دم توڑ بیٹھی ہے اس ضمن مانہ بھارت گا بکھ بکھ اداراں مانہ کیا گیا ٹیسٹاں نے کسے وی وائرس یا انفیکشن گا امکان نانہ مسترد کردتو ہے اس ضمن مانہ لیفٹیننٹ گورنر منوج سنہا نے دسیو ہے مرکزی وزیر داخلہ امت شاہ گا حکم ور تشکیل دتی گئی اک اعلیٰ سطحی بین العقوامی ماہرین کی ٹیم علاقان مانہ پھلاں تون ہی موجود ہے تانچے پھلاں دو مہینہ گے دوران ہون آلی اموات کی وجہ بارے تحقیقات کی جاسکے اس ٹیم مانہ صحت زراعت آبی وسائل تے فارنسک لیب گا ماہرین شامل ہیں ایل جی موصوف نے یقین دہانی کرواتا مانہ کیو جے ایس آئی ٹی تے مرکزی ٹیم کی سانجی کوشش جاری ہیں تانچے ان اموات گے پچھے کی وجہ گو پتو لایو جاسکے اور صورت حال نانہ موثر طریقہ سنگ سنبھالیو جاسکے۔

SPRING

ضلع انتظامیہ راجوری نے بڈھال گراں کی اک باولی نانہ فوری طور ور سیل کرن گو حکم دتو ہے اس باولی گا پانی مانہ گُجھ کیڑا مار دوا تے زرعی کیمیکل گا مثبت نتائج باندجے آیا ہیں اس سلسلہ مانہ ضلع انتظامیہ نے متعلقہ پولیس سٹیشن نانہ سخت ہدایت دیتا مانہ کیو جے اس باولی گے چفیری ضفاظتی اہلکاراں نانہ تعینات کرے تانچے اس باولی گا پانی گو استعمال ور مکمل روک لائی جاسکے۔

ENCOUNTER

جموں کشمیر گا سوپور علاقان مانہ حفاظتی دستاں تے دہشت گرداں بشکار اتار آلا تہاڑے اک تاکرو شروع ہوو ہے یوہ ٹاکرو اس ویلے شروع ہوو جد دہشت گرداں کی طرفوں سوپور گا گجر پٹی مانہ حفاظتی دستاں ور تلاشی کاروائی گے دوران فائرنگ کی گئی دہشت گرداں کی موجودگی بارے سو ملن تو بھارتی فوج نے جموں کشمیر پولیس نے سانجہ طور علاقہ

گی کیرا بندے کرگے اس تلاشی کاروائی شروع کیو اس سلسلہ مانہہ زرائع نے دسیو ہے
جے اجے توڑی اس کاروائی مانہہ کسے گی مارے جان بارے جانکاری موصول نہیں ہوئی
ہے۔

LG ORGAN DONATION

لیفٹیننٹ گورنر منوج سنہا نے لوکاں نانہہ کیو ہے جے وے اعضاء تے ٹشو گا عطیہ گا زریعہ
معاشراں مانہہ اپنا کردار نانہہ ادا کرے انہاں نے یا گل جموں مانہہ بھارتیہ جین سنگھٹن گا اک
پروگرام مانہہ شرکت گے دوران کہی ایل جی موصوف نے لوکاں ور زور پاتا مانہہ کیو
اعضاء یعنی آرگن تے ٹشو گا عطیہ گا اس عظیم مقصد نانہہ اپناویں انہاں نے اعضاء گا عطیہ
نانہہ زندگی بخش موقعو قرار دیتا مانہہ سٹیٹ آرگن ٹیشو ٹرانسپلاٹ تنظیم نانہہ کیو ہے وی
اُن گو نانہہ عطیہ دہندگان کی فہرست مانہہ شامل کریں اس بے لوث عمل گا انقلابی اثرات
نانہہ اُجاگر کرتا مانہہ لیفٹیننٹ گورنر منوج سنہا نے ہسپتالاں مانہہ مستقبل ہیلپ ڈیسک قائم
کرن گی ضرورت ور زور پایو تانجے غلط فہمیاں نانہہ دور کیو جاسکے۔

Dy CM CAPEX

نائب وزیر اعلیٰ سریندر چودھری نے پچھلے تہاڑے نوشہرہ مانہہ اک جائیزو میتنگ منعقد
کرگے ضلع کپین بجٹ غے تحت چل رہیا کم کاج گو جائیزو لیو ہے انہاں نے ہدایت جاری
کرتا مانہہ کہیو جے تمام ترقیاتی پروجیکٹاں نانہہ تاولے مکمل کرن تے نال ہی نال انہاں نے
عوامی توقعات نانہہ پورو کرن تے بنیادی ٹانچہ نانہہ بہتر بنان واسطے معیار نانہہ یقینی بنان
ور وی زور پایو عوامی شکایتاں گل حل واسطے جوابدہ حکمرانی ور زور پاتا مانہہ انہاں نے
افسراں نانہہ ہدایت کی جے وے عوامی شکایتاں گا حل واسطے جوابدہ حکمرانی ور زور
پاتا مانہہ انہاں نے افسراں نانہہ ہدایت کی جے وے عوامی شکایتاں نانہہ اُن گا ہواں ور حل
کرے نائب وزیر اعلیٰ نے عوامی خدمات بارے ضمانتی قانون پی ایس جی اے گا زمینی
سطح ور نفاذ بارے وی کیو تانجے خدمات کی فراہمی مانہہ زشفافیت تے جوابدہی نانہہ یقینی
بناویو جاسکے۔

WEATHER HIGHWAY

محکمہ موسمیات نے اج تک پلک واسطے ہلکی بارش تے اُچیراں علاقوں ور برف باری کی
پیشن گوئی کی ہے اس سلسلہ مانہہ مزید دسیو گیو ہے جے ۲۲ تے ۳۲ جنوری نانہہ جموں غا
میدانی علاقوں مانہہ ہلکا توں درمیانہ درجہ غی بارش جدکہ اُچیراں علاقوں مانہہ برف باری
ہوسکے اونگا جموں سرینگر قومی شاہراہ نانہہ گڈیاں گی اُو جائی واسطے دوپاسے تو کھلو
رکھیو گیو ہے تے اس ضمن مانہہ مسافراں نانہہ مشورو دتو جے وے شاہراہ ور سفر نانہہ
تہاڑے گا ویلے کرن نانہہ ترجیح دے نال نال تنظیم ضبط گو خاص خیال رکگے تاریکی مغل
سڑک نانہہ برف باری کی وجہ تو گڈیاں گی اُو جائی واسطے بند رکھیو گیو ہے۔

ANNOUNCEMENT

علاقائی خبراں آلو شعوبو آکاشوانی جموں نے کٹھوعہ ضلع واسطے پارٹ ٹائیم نمائندہ غی
درخواست طلب کیں ہیں فہرست مانہہ شامل ہوں واسطے کٹھوعہ ضلع مانہہ رہن آلا ۴۲ سال
تیں ۰۵ سال غی عمر غا امیدوار درخواست طلب کرسکیں پی ٹی سی واسطے کم از کم

ضروری قابلیت پی جی ڈپلمو یا صحافت مانہ ڈگری تے یا پھر کسی تسلیم شدہ یونیورسٹی
تیں ۲ سال غو صحافت ۶۷ تجربہ غے نال گراجیوایشن اس تیں علاوہ کمپیوٹر تے
ورڈ پروسیسنگ غو علم خبر جمع کرن تے الیکٹرونک میڈیا کوریج غو تجربہ ضروری
ہے۔ امیدوار نانہ ڈسٹکٹ ہیڈ کوارٹر تے میونسپل گی حدور تیں ۰۱ کلو میٹر گا دائیرہ مانہ ہونو
چاہیے تمام ضروری دستاویزات غے نال درخواست غی ہارڈ کاپی ۵۱ فروری ۵۲۰۲ توڑی
ہیڈ ریجنل نیوز بولیٹ آکاشوانی جموں غے دفتر مانہ پُجائیں جس غو پین کوڈ ہے ۱۰۰۰۸۱
ور ہوم پیج غا آخر مانہ www.newsonair.gov.in درخواست اشتہار ماری ویب سائٹ
آسامیاں آلہ آکن ور دستیاب ہے۔
